

کتابخانه

آدره من تبدیلندہ آریجہ
غروش کوندرملیدر .

مکتوبلرک امضاری واضح
واوقوناقلی اولسی وآبونه
صرہ نومروسی محتوی
بولونسی لازمدر

ممالک اجنبیہ ایچون آبونه
اولانلرک آدرسارینک
فرانسزجہ یازلسی رجا اولنور .

یادہ کوندردیکی زمان نہیہ
داثر اولدینی بیلدیرلسی
رجا اولنور

اتبعون اهدکم سبیل الرشاد

صاحب و مدیر
اشرف ادیب

باش محرر
محمد حاکف

والله یهدی من یشاء الی صراط مستقیم

آبونه شرائطی : هریر ایچون
سنه لکی (۴۰۰) آلتی ایلمی
(۲۲۵) ممالک اجنبیہ ایچون
سنه لکی (۴۵۰) ، آلتی آیلمی
(۲۵۰) غروشدر .

نسخه سی ۷,۵ غروشدر .
سنه لکی ۵۲ عدددر .

اداره خانه : باب عالی جاده سندہ
رشید اقتدی خاندہ

اخطارات
آبونه بدلی پشیندر .

مسلمک موافق آثار مع الممنونیه
قبول اولنور . درج ایدلمین
یازیلر اعاده اولماز .

ارف علما و منتخب نایبک اسرمامانی

اوف قضاسی علماسیله منتحب نایبلی طرفدن تورکیا جهوریتی ریاست جلیله سنه آتیده کی تلفرافک چکیلدیکی اوفدن اداره خانه مزه بیلدیریلشدر :

آنقره نورکیه جهوریتی ریاست هیلدیزنه ، صورتی هیئت وکیلیر

توحید تدریسات قانونی موجبنجه بریلان امر اوزرینه قضا مزه اصحاب خیرات طرفدن انشا و علما طرفدن حسبی اداره ایدیلان یتیم اوج مدرسه تماماً سد ایدلدی . فقط کشادی وعد بیوریلان امام ، خطیب مکتبلری هنوز آجیلما ی . شوخالده تحصیلده بولان بیکی متجاوز طلبه میدانده قالدینی کی سنه آتیه یه ترک یدیلده جک طلبه تحصیلده دکلدر دینه رک سوقلری لازم کلدیکندن احتیاجات دینه مزدن اولان علوم دینه مزک کوکندن قالدیریلده جنی آ کلاسیلیور . حد اولسون بز مسلمانز ، حکومت مزده اسلام حکومتیدر . دینز ایچون جانمزی ، مالمزی فدا ایدنلر دیز . دینسز بر کون یشامانی آرزو ایتمه ی بولمته امور دینه سی اوکرده جک عالم ، امام ، خطیب لازمدر . ممالک اجنیه ده کی اسلامزه بیلده عالم ، مرشد یتشیدره ن اوف قضاسنک مدارس موجوده سی اصلاح ایدیلانجه یه قدر کالاول صنف امتحانلرینک اجراسیله تحصیلده دوام ایتدیرلمسنی استرحام ایلرز .

مباحثه حفظ قرآن مجملری !

توحید افکار رفیق مزده اوقومشدر :

قونیه دن موثوق الکلم محترم برذات مطبوعه مزه یازیور :

« مقدما ، حافظ یتشیدیرمک اوزره (قونیه) ده تأسیس ایدلمش اولان (دارالحفاظ) معارف و کالتنک امریله سد ایدلمش ، بونک اوزرینه حافظلر جامع شریفده حفظ قرآن درسه باشلامشدر . بونی خبر آلان معارف مفتشی ، درس آتاسنده جامع کیده رک حافظلرک حقیقه حفظ قرآن درسه دوام ایتمکده اولدقلرینی کورمش و بونک اوزرینه حافظلری « جرم مشهود » حالده یاقه لادینی مبین برابور قلمه آلوب مافورنه تقدیم ایتشدر . »

حفظه چالیشانلری جرم مشهود حالده یاقالایان سابقا پولیس مفتشی اولماسی محتمل - معارف مفتشی بوغیرته مکافاة بدرجه ترفیع ایدله دیعی عجا ؟

(لایق) برحکومت تأسیس ایتدیکمزی ادعا ایله دیکمزه و (لایق) لنگ ایسه کیمسه نک وجدانه ، دین و ایمانه قاریشماقی دیمک اولدینی سویله دیکمزه نظرأ (قونیه) ده کی معارف مفتشنک جامعده - حفظ قرآن چالیشانلری نه حقله یاقالادینی و نه صلاحیتله طلبه نک « جرم مشهود » حالده حفظ قرآن ایله دکلمرینی مبین راپور قلمه آله رق مافورنه تقدیم ایله دیکمزی صورمه حقمن یوقی ؟

بعض آثار و طبعورانه یی اوقویانلره قارشی دور استبداده بویه جرم مشهود حالده یته زورمالر ویریلر و اوئورمالره سلطان حمید طرفدن احسانلره مقابله ایدیلردی . او اسی زورمالجیلیق اصولی آ کدبران بوحادنه قارشوسنده (لایق) معارف وکیلنک نه یابدینی ، معارف مدیرینی تجزیه ایدوب ایتدیکمزی صورمه حقمن یوقی ؟

شهزاده باشی : اوقاف اسلامی مطبوعه

و نراهه دعوتله بر مدتنبیری کیتمکده اولدیمیز یا کلتش اجتماعاتک تصحیحجه اک زیاده خدمت ایدمک قسم مطبوعاندر .

مطبوعات نراهت و عفت ملیه یه نه درجه حرمت کوسترسه اوقدر اجتماعی ته لککک اوتکده کچیلیمش اولور . اجتماعی قنایقلرک ازاله سی ایچون بونکون مطبوعات قدر مؤثر هانکی واسطه اجتماعیه دارد ؟ بونکونکی سقوط اخلاقینک عواملی میاننده اک بویوک حصه مسئولیت مطبوعات ترتب ایتمکده در . بر مسئولیتدن اکثریت اعتباریله مطبوعات یومیه مزده مستغنی قالماز . مسلمان قالدینلرینی - کبار فحش یاقاقلری اولان - بارلره کیتمه یه ، ارککلرله دانس ایتمه یه ، صحنه لره چیقارته رق آقتریسک ایتدیرمه یه ، سینه مالرله ، تیازولرده ارککلرله دیز دیزه اوطورمه یه تشویق ایدن مطبوعات یومیه مز دکلدر ؟ بونکونکی خصوصده بلکه مسئولیتلرک اک بویوک حصه سی اقشام غزته سنه طاند اولسه کرکدر . اقشام غزته سننک یازدینی حکایه لر مزاحی غزته لرک عفت شکنانه نشریاتدن یک فرقلی دکلدر . مع مافیه اقشام غزته سننک کچده اولسه ، حق و حقیقه طرفدار اولمسی شایان تقدیردر . فالج رفقی بکک بومقاله سنه ، بعضلرینک ذاهب اولدینی کی ، بزیاسی بر طاقم سوانق ده آرایه جق دکاز . بز بونی صمیمی اوله رق قبول ایدیورز . و بوتون محررلرکده صمیمی اوله رق کال اهمیتله نظر دقته آلملرینی تمی ایدیورز .

امروزه مینک اهرامه قارشی سیرجی قانیه یلیری ؟

اقدام غزته سننک باش محرری احمد جودت یک یازیور :

« بر مملکتک ، بر ملتک معناً یوکسلمه سنه خدمت ایدنلر ، او ملت و مملکتک علماسی ، ادبایدیر . بتون ممالک متمنده ده کورولمشدرکه علم و قلم صاحبلی هیئت اجتماعیه یی معناً اصلاحه لزوم کوردکلری زمان مؤلفات ایله خلک سویه سی یوکسلتمک ، ذهنلرله اجتماعی انقلاب وجوده کتیرمک موفق اولمشدر .

شمدی بزم مملکتمز ایچونده علما و ادباتک خدمتته یک بیوک احتیاج کوریلور . سویه معنویه یه یوکسلمه خلق محتاجدر . چونکه او سویه یی بر طاقم حادثات تضییق ایتک باشلامشدر . بوکا نشریاتده لایبالیک ده سبب اولورور . رسملر اوستنه توك دیکور . سینه مالرک فنا فیلملری ضربه سی ده جابا . . . اخلاق عمومیه مزده آشاغی طوغری بر تبدل وارد . بوکا تأثیر ایدمک چاره لردن بری ، اخلاق و سجه نک مجراسنی چوره جک اثرلدر . مملکتک تنوره ، بوزمانده کی احتیاجی قدر ، هیچ ر زمان احتیاج کوروله مشدر . بز احوال عمومیه مزه باقنجه بواحتیاجی چوق ای حس ایدیورز . خلق ده آراتی و قتلرینی خفیف شیلرک مطالعه سنه حصر ایدیورلر ، و خفیف شیلردن خوشلانیورلر . بو ، نه قدر تأسف ایدیلده جک بر شیدر ، ایچنده بولندیمز وقایع ، بزه آتی نک اهمیتنی کوسترمکده در . بوقدر هم بز موقعی بولنان تورک خلقنی چوق تنور ایتک اقتضا ایدر . بز عموماً باشقه بر تربیه یه محتاجز .

بناء علیه بر طرفدن ارباب قلم ، دیگر طرفدن علما و فضلا و متخصصین ، هیئت اجتماعیه مزک محتاج اولدینی مسائل مادیه و معنویه یی مقاله لره ، رساله لر ایله تمهید ایتیلدرلر . راحت راحت سیرجی اوله رق اوطورمق اوله ماز . »